

Guicho ou Quisquelo

11

Breve historia

De orixe indoeuropea, posiblemente sexa unha das razas máis antigas da Península Ibérica, tráfido probablemente polos pobos precélticos atlánticos e os celtas, xunto co resto das invasións nórdicas e xermánicas (suevos, britanos, visigodos e normandos); debido ás súas grandes semellanzas e orixe común, probablemente está emparentado co *västgötaspets* sueco ou can dos visigodos, así como tamén cos *corgi galeses cardigan e pembroke*.

Aparencia xeral.

Animal de tipo lupoide, de perfil recto, de pequeno tamaño, mesomorfo, harmonioso nas súas proporcións, coas orelas guichas, de onde toma o nome (guicho). A impresión de harmonía caracteriza estes animais.

Temperamento e comportamento.
Presentan un carácter inquieto e vivaz que, xunto coa súa rusticidade, combatividade, bravura, arroxo, axilidade, resistencia e tenacidade sobre o terreo e a súa particular forma de furalas toxéiras, fano immellorable na caza do coello de monte en Galicia. Animal silencioso na procura da caza, no momento de atopalo rastro recente e fresco, moi próximo ó coello, avisa dun xeito sonoro característico, xunto cos típicos movementos ostensibles e moi rápidos do rabo.



Movemento. Soltos, activos e rápidos.

Capa (cor). Atópanse prácticamente todas, normalmente cunha cor uniforme ou tamén binarios e ternarios; así como tamén exemplares alobados, atigrados escuros ou grises. As particularidades brancas localízanse fundamentalmente nas extremidades e dedos, peito, pESCOZO, cara, focinho e borbón do rabo.

Pelo.

O pelo é denso, mesto e de lonxitude media. En ocasións, atópanse animais cun pelo de cobertoira algo máis longo e con subpelo.

Tamaño e peso.

Alzada á cruz.

Machos de 34-42 cm Femias de 30-38 cm

Peso.

Machos 8-12 kg Femias 6-10 kg



Guicho ou Quisqueulo



A **CABEZA** é de tamaño medio e ben proporcionada. Posúe unha expresión vivaz e intelixente. O cráneo é largo e plano entre as orelas. A depresión frontonasal é nítida pero moderadamente marcada.

O **FOCIÑO** redúcese gradualmente ata o nariz. Os **BEIZOS** son normais.

Os **OLLOS** son medianos, ovalados e de cor en relación coa capa.

As **ORELLAS** son totalmente erguidas (guichas), de mediano tamaño, afiadas, ríxidas cara ás puntas, móbiles e recubertas de pelo moi fino.

O **PESCOZO** presenta un bo porte, é musculoso, de tamaño medio e proporcionado coa cabeza e o corpo.

As **EXTREMIDADES** deben ser rectas, fortes e ben verticais, dereitas e ben proporcionadas tanto en lonxitude como en grosor.

Nas **EXTREMIDADES ANTERIORES** a escápula debe formar un ángulo de 45º respecto do plano horizontal e co brazo forma unha inclinación de 90º. Os **PÉS** son de tamaño pequeno, curtos e ovalados.

O **TRONCO** é compacto e harmónico.

A **LIÑA DORSOLUMBAR** non é demasiado alongada, sendo recta e lixeiramente descendente. O dorso é recto e musculoso e o lombo curto e forte.

O **TÓRAX** é amplio, profundo e con **COSTELAS** redondeadas.

O **VENTRE** non é voluminoso e recóllese levemente ata as virillas.

A **CRUZ DOS CADRÍS** é curta, forte, larga e pouco caída.

O **RABO** normalmente lévao baixo ou horizontal, levantándoo cando está en acción pero sen enroscalo.

Nas **EXTREMIDADES POSTERIORES** a **NÁDEGA** é forte e flexible. A **COXA** é musculosa e lixeiramente máis longa cá distancia do xarrate ó chan. A estructura ósea é forte. Os **PÉS** son de tamaño pequeno, curtos e ovalados. En ocasións presentan **ESPORÓNS**, e **SEXTA UNILLA**.

